



Pou Piblikasyon Imedya: 09/05/2023

GOUVÈNÈ KATHY HOCHUL

**GOUVÈNÈ HOCHUL ANONSE PLAN POU KONPAYI THE COCA-COLA COMPANY  
POU KONSTWI ENSTALASYON PWODIKSYON fairlife® LA K AP OUTE 650  
MILYON DOLA NAN KONTE MONROE**

*Konpayi a chwazi lye a akoz repitasyon renome monday Eta New York kòm lidè global nan agwo-endistri: Li prevwa kreye apeprè 250 nouvo travay nan Vil Webster*

*Envestisman an ap konplete inisyativ "Finger Lakes Forward" lan – ki se estrateji global reydon an pou revitalize kominote yo ak devlope ekonomi an*

*Gade foto pwodwi a [isit la](#); Gade foto sit la [isit la](#)*

Gouvènè Kathy Hochul te anonse jodi a ke The Coca-Cola Company (Konpayi Koka-Kola) te chwazi Eta New York pou pozisyon prefere li pou yon nouvo enstalasyon pwodiksyon fairlife. Yo prevwa etablisman 745,000 pye kare a pral kreye jiska 250 nouvo djòb epi yo pral batí sou pwopriete Tebor Road nan Vil Webster, Konte Monroe. Konpayi an espere kòmanse travay pwojè a nenpòt moman nan sezón otòn sa a, li sijè a apwobasyon apwopriye ak dilijs final, epi enstalasyon an pwograme pou li operasyonèl nan 4è trimès 2025. Yo te estime envestisman total pwojè a nan 650 milyon dola.

"Desizyon sa a ke fairlife pran pou elaji operasyon pa yo nan Konte Monroe make pwochen chapit nan istwa siksè agrikòl New York la", **Gouvènè Hochul te deklare.** 'Endistri letye New York la sèvi kòm yon motè ekonomik enpòtan pou eta nou an, epi envestisman 650 milyon dola sa a ki soti nan fairlife pral kreye djòb epi lakòz enpak ekonomik, sitou nan Finger Lakes. Nou te nan konpetisyon difisil ak lòt eta pou sa ki pral pi gwo izin transfòmasyon letye nan Nòdèsl la epi desizyon sa a, ki vini swit ak envestisman ki soti nan gwo konpayi tankou Micron ak Li-Cycle, konfime ke New York kontinye ofri yon anviwònan biznis ki konpetitif. Mwen soti nan yon fanmi kiltivatè letye nan peyi lland, mwen fyè dèské m te jwenn gwo opòtinite sa a pou m pozisyone eta nou an kòm youn nan pi gwo pwodiktè letye nan peyi a."

Fonde an 2012, fairlife te fè konsepsyon yon liy pwodwi ki fèt atravè yon transfòmasyon lèt ki ultra-filtre ki retire laktoz ak pifò nan sik la epi ki kite plis pwoteyin ak kalsyòm. Konpayi an ofri yon pakèt pwodwi ki gen ladan lèt ultra-filtre fairlife®, shake pwoteyin

Core Power®, ak shake ranplasman repa fairlife® Nutrition Plan®. Konpayi The Coca-Cola Company se yon patnè estratejik pou fairlife depi lè li te lanse an 2012 atravè akizisyon final konpayi a an 2020.

**Direktè Egzekitif Jeneral fairlife la, Tim Doelman, te deklare**, "Demann konsomatè yo pou pwodwi fairlife yo nan yon nivo maksimòm, epi yon nouvo etablisman pwodiksyon pral pèmèt nou ogmante kapasite siyifikativman epi delivre pwodui fairlife nan plis kay menm atravè peyi a. Pandan n ap kontinye grandi nan Nòdès la, pwoksimite Webster ak aksè ak pi bon klas kiltivatè letye yo fè li yon kote ki ekselan pou sipòte pwochen faz kwasans nou an nan rejyon an ak odela. Nou sensèman rekonesan pou kolaborasyon Gouvènè Hochul ak administrasyon li an pandan tout pwoesis sa a."

ESD ap bay jiska 21 milyon dola asistans pou pwojè a atravè Pwogram Kredi Enpo pou Djòb Excelsior (Excelsior Jobs Tax Credit Program) a ki baze sou pèfòmans an echanj pou angajman kreyasyon djòb. Anplis de sa, IDA Konte Monroe prevwa aplike nan ESD pou yon Sibvansyon Kapital 20 milyon dola pou yo ka travay pou bay bon jan kouran ak lòt depans enfrastrikti ki gen rapò ak sèvis sit la. Depatman Agrikilti ak Mache (Department of Agriculture and Markets, AGM) Eta New York la, Ajans pou Developman Endistriyèl (Industrial Development Agency, IDA) Konte Monroe, Vil Webster, Gaz ak Elektrisite Rochester (Rochester Gas and Electric) ak Greater Rochester Enterprise (GRE) te jwe yon wòl enpòtan anplis nan mennen konpayi an nan Eta New York. Konpayi an te chwazi Eta New York akoz asistans inestimable moun ki gen enterè angaje sa yo, ak pou repitasyon renome monfyal li kòm yon lidè globaal nan agro-endistri ak yon kominate letye inovan san parèy.

Rechèch pou transfòmasyon lèt ki pote make fairlife® ki itilize ultrafiltrasyon dènye modèl ki te soti nan Cornell University plis pase yon deseni pase. Transfòmasyon ultrafiltrasyon inik fairlife® la bay lèt yo yon pi long dire lavi epi kreye yon pwodwi ki gen mwens sik, plis pwoteyin ak plis kalsyòm pase lèt konvansyonèl yo pou k ap vann sou mache a. Itilizasyon nou prevwa yo egal a yon estimasyon 5 milyon liv lèt ki soti lokalman pa jou, sa ki fè li pi gwo izin letye nan Nòdès la epi li pozisyon New York pou I reprann pozisyon li kòm 3è pi gwo pwodiktè lèt nan Etazini.

Anons jodi a tou respekte pwomès Gouvènè a nan Diskou sou sitiyasyon Eta 2023 li a pou adrese bezwen anplis kapasite transfòmasyon agrikòl pou ede soulaje twou vid ki genyen nan chèn apwovizyonman an nan devlope yon ekip entè-ajans ak Empire State Development ak Depatman Agrikilti ak Mache Eta New York la ki pral travay ak nouvo biznis ak biznis k ap agrandi yo pou ankourage plis envestisman nan fabrikasyon manje nan Eta a.

**Prezidan, Direktè Egzekitif Jeneral ak Komisè Empire State Development Ian, Hope Knight, te deklare**, "Nou kontan anpil pou nou akeyi fairlife nan Konte Monroe. Plan konpayi an pou poze baz nan kominate nò sa a, ak potansyèl li pou kreye jiska 250 nouvo djòb, byen adapte paske New York gen enfrastrikti agrikòl ak letye ki pa gen parèy pou sipòte pwojè sa a epi li se yon lidè vizib nan pwodiksyon letye aknan rechèch ak developman tou."

**Komisè Agrikilti Eta a, Richard A. Ball, te deklare**, "Desizyon fairlife pou lokalize nouvo izin li an nan Eta New York se yon gwo nouvèl pou eta nou an ak pou endistri letye nou an, ki se pi gwo motè ekonomik agrikòl New York. Anons jodi a mete aksan sou ekselans mondyal kominote letye nou an ki gen fèmye ki pral bay lèt nan enstalasyon transfòmasyon modèn sa a. Mwen remèsye Gouvènè Hochul ak tout patnè ki enplike nan pwojè enteresan sa a epi mwen pa ka tann enpak pozitif alontèm sa pral genyen sou fèm letye nou yo nan tout eta a."

**David Fisher, ki se Prezidan ak kiltivatè pwodwi letye nan Biwo Fèm Agrikòl New York (New York Farm Bureau, NYFB), te deklare**, "Anons Fairlife la ke li pral bati yon nouvo izin transfòmasyon nan Eta New York se yon nouvèl enpòtan pou fèm letye eta a yo ak pou ekonomi nò eta nou an. Li pral elaji mache a pou lèt ki pwodui nan New York, ki nesesè pou fèm nou yo reyisi alontèm. Anplis de sa, travay konstriksyon ak transfòmasyon ki pral kreye yo mete aksan sou fason agrikilti kontribye nan ekonomi eta a nan yon sans laj. Biwo Fèm Agrikòl New York remèsye Gouvènè Hochul pou angajman li pasle li fè jou sa a vin yon reyalite, epi nou akeyi Fairlife nan New York kòm yon patnè ak sipòtè pwodui agrikòl nimewo en eta a."

Eta New York gen yon endistri agrikòl solid k ap pwospere, ki akeyi prèske 3,500 fèm letye ak 620,000 bèf. Gras a resous abondan li yo, bon tè, aksè a dlo, ak fèmye inovan, yon gwo majorite fèm li yo nan tout eta a patisipe tou nan pwogram AEM eta a ak nan pwogram nasyonal yo tankou pwogram NMPF FARM lan. Lè yo itilize teknoloji ki pi avanse nan fèm ki disponib yo, kiltivatè letye New York yo pare yon fason inik pou yo kontinye pwodwi lèt ki gen pi bon kalite, nan fason ki pi dirab pou anviwònman an.

**Manm Asanble Brian Manktelow te deklare**, "Chak ane fèmye nou yo envesti yon kantite dola ke yo pa ka fin konte nan operasyon pa yo, sa ki fè rejjyon New York santral ak Iwès New York yon kominote agrikòl prensipal. Mwen depase kontan dèské fairlife ak eta a te rekonèt angajman yo anvè agrikilti, pou animal nou yo, epi èspere ke yo reyalize kisa sa pral vle di pou kominote nou an. Pi lwen pase nouvo 250 djòb nan etablisman pwodiksyon an, nou pral wè yon ogmantasyon demann pou pwodiksyon letye lokal ak transpòtasyon. Sa a se yon etap enpòtan nan prezèv ak amelyore estati nou pami 5 pi gwo eta pwodwi letye. Mwen remèsye PDG fairlife la Tim Doelman, paske li te chwazi Vil Webster pou etablisman sa a epi mwen akeyi tout manm fanmi fairlife la nan 130èm Distri Asanble a."

**Chèf Egzekitif Konte Monroe a, Adam Bello te deklare**, "Konte Monroe gen yon eritaj rich nan defann peodi letye ak agrikilti, epi nou anvi prevwa kolabore ak fairlife pou kontinye tradisyon sa a. Envestisman 650 milyon dola pa yo pral non sèlman kreye nouvo djòb ak yon nouvo mache pou bon jan kalite rezèv lèt rejjyon nou an, men tou, li pral ranfòse ekonomi lokal nou an epi ranfòse repitasyon nou kòm yon sant opòtinite. Mwen rekonesan pou sipò fòmidab pou pwojè sa a nan men Empire State Development ak Govènè Kathy Hochul. Desizyon fairlife pou etabli nouvo izin yo nan Webster se yon lòt prèv ki montre Konte Monroe se yon lidè nan devlopman ekonomik, ak yon mendèv

ki eksepsyonèlman kalifye ki kontinye atire fabrikasyon manje ak bwason inovan ak teknoloji avanse.

**Sipèvizè Vil Webster a, Tom Flaherty, te deklare,** "Vil Webster kontan dèské fairlife te chwazi I kòm premye enstalasyon pwodiksyon li nan nòdès Etazini. Mwen ta renmen remèsyé Gouvènè Hochul, Empire State Development, Konte Monroe, ak Greater Rochester Enterprise pou lidèchip ak konsèy yo pou pote envestisman sa a nan kominote nou an. Nou trè rekonesan tou anvè lidèchip fairlife pou opòtinite a pou vin yon patnè nan desizyon empòtan sa a pou sosyete a. Vil Webster ak Webster Economic Development Alliance yo pare, chaje ak enèji, epi yo detèmine pou sipòte fairlife pandan y ap antre nan youn nan pi gwo pwojè fabrikasyon kominote nou an. Konstriksyon yon enstalasyon modèn 745,000 kare ki pral kreye djòb ki byen peye epi bay opòtinite ekonomik pou plizyè santèn fanmi nan kominote nou an ak azalantou."

**Pedro Azagra, PDG AVANGRID, manman sosyete RG&E, te deklare,** "Nou kontan sipòte fairlife ak endistri letye New York atravè asistans devlopman ekonomik ki pral ede konpanse depans enfrastrikti elektrik pou pwojè sa a epi ede kreye 250 djòb. Gwo opòtinite sa a pou sipòte ekonomi agrikòl eta a epi delivre enèji ki rann li posib, se you opòtinite ke Avangrid ak RG&E sipòte avèk antouzyas pou konpayi sa a ak pou plizyè konpayi atravè eta a."

**Prezidan ak Direktè Egzekitif Jeneral Chanm Komès Greater Rochester a ak Ko-Prezidan Konsèy Developman Ekonomik Rejyonal Finger Lakes la, Bob Duffy, te deklare,** "Seleksyon rejyon Greater Rochester pou nouvo enstalasyon fabrikasyon ak transfòmasyon fairlife la se yon temwayaj pou repitasyon renome mondal nou kòm yon lidè mondal nan agwo-endistri. Envestisman sa a pral non sèlman pote kwasans ekonomik empòtan nan rejyon an, men tou, li pral kreye nouvo opòtinite travay pou rezidan nou yo. Mèsi Gouvènè Hochul pou lidèchip li nan pote fairlife nan Eta New York, ak lidèchip fairlife paske li rekonèt opòtinite enkwayab yo ki prezante nan rejyon nou an. Nou pa ka tann pou nou akeyi fairlife nan Konte Monroe!"

**Prezidan ak Direktè Egzekitif Jeneral Greater Rochester Enterprise la (GRE), Matt Hurlbutt, te deklare,** "Rejyon Greater Rochester, NY bay fairlife yon ekosistèm rich ki kapab konstwi yon avantaj konpetitif ki konsantre sou inovasyon pwodwi ak kwasans biznis. Lè li lokalize nan rejyon Greater Rochester, NY, fairlife jwenn yon sit ideyal ak aksè ak alafwa bon jan kalite pwovizyon lèt abondan ansanm ak talan jeni ki trè kalifye ki nesesè pou gwo volim fabrikasyon avanse. Pandan tout pwoesis seleksyon sit li a, GRE te dirije kolaborasyon rejyonal atravè biznis, kominote, ak inivèsite pou ede fairlife satisfè kondisyon enfrastrikti esansyèl ak mendèv yo. GRE pa ka tann pou li sipòte fairlife ak lidèchip li pou etabli premye enstalasyon li nan nòdès Etazini epi kontribye nan sektè fabrikasyon manje ak bwason rejyon Greater Rochester, NY k ap pwospere a."

Pou aprann plis sou fairlife, vizite: <https://fairlife.com/>

**Akselerasyon pwogram Finger Lakes Forward**

Anons jodi a vin konplete pwogram "Finger Lakes Forward", ki se estrateji global reyon an pou jenere kwasans ekonomik djanm ak devlòpman kominotè. Plan ki fèt sou plan reyjonal la konsantre sou envesti nan endistri kle, sa enkli fotonik, agrikilti ak pwodiksyon manje, ak manifakti avanse. Gen plis enfòmasyon ki disponib [isit la.](#)

### **Enfòmasyon sou Empire State Development**

Empire State Development (ESD) se prensipal ajans devlopman ekonomik New York ([www.esd.ny.gov](http://www.esd.ny.gov)). Misyon ESD se pou pwomouvwa yon ekonomi ki djanm ak pwospè, ankouraje kreyasyon novo travay ak opòtinite ekonomik, ogmante resèt pou Eta a ak minisipalite li yo, epi fè ekonomi lokal yo vin estab ak divèrsifye. Gras a itilizasyon prè, sibvansyon, kredi taks ak lòt fòm asistans finansye yo, ESD ap fè efò pou amelyore envestisman biznis prive ak kwasans pou sipòte kreyasyon travay epi sipòte kominote pwospè yo toupatou nan Eta New York. ESD se egalman ajans administratif prensipal k ap kontwole Konsèy Developman Ekonomik Reyjonal (Regional Economic Development Councils) la ak komèsyalizasyon "I LOVE NEW YORK", mak touris anblematik Eta a. Pou jwenn plis enfòmasyon sou Konsèy Reyjonal yo ak Empire State Development, ale sou [www.regionalcouncils.ny.gov](http://www.regionalcouncils.ny.gov) ak [www.esd.ny.gov](http://www.esd.ny.gov).

### **Enfòmasyon sou Depatman Agrikilti ak Mache NYS la ak Endistri Letye NYS la**

Depatman Agrikilti ak Mache Eta New York la pwomouvwa agrikilti New York ak bon jan kalite pwodwi divès li yo, li ankouraje jerans anviwonmantal agrikòl, epi pwoteje apwovizyonnan pwodwi alimantè, tè ak betay Eta yo pou asire vyabilite ak kwasans endistri agrikòl New York yo. Endistri letye New York la se yon sektè enpòtan nan ekonomi eta a epi kòm sektè agrikòl prensipal li, pwodi letye reprezante apeprè mwatye revni total agrikòl New York la. Eta New York gen prèske 3,200 fèm letye ki pwodui plis pase 15 milya liv lèt chak ane, sa ki fè New York se senkyèm pi gwo eta letye nan peyi a. Pwodiktè ak transfòmatè letye inik ak talantye New York yo bay kontribisyon enpòtan nan endistri agrikòl la, nan ekonomi an, ak nan sante kominote nou yo nan New York.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418